

陳氏荷華山房詩稿

陳氏荷華山房詩稿卷之十二

高安陳邦瞻德遠著

五言律詩八十九首

袁晞我招飲右轄署中時屋角梅花正發
賦得二律紀事

何限追隨意風流得汝南玄言渾似屑綠蟻不
辭酣樹晚移寒雷樓高接翠嵐未煩勤秉燭星
月待歸驂

其二

獨樹重簷外風清暗度香疎枝疑帶雪細萼欲
凝霜寄遠春愁動耽幽野趣長共君東閣醉詩
興似何郎

陳給諫思岡有館訂至奉輓三首

解秩辭青瑣尋仙向白雲漢廷誰抗疏地下遽
修文心以憂時合手從去國分山陽他日路長
笛不堪聞

其二

壁立元千仞山顏在一展祇言人欲殺那更鬼

爲鄰吾道豈真喪皇天亦不仁西風吹淚急萬
里獨沾巾

其三

天外冥鴻日梁間問鵬年悲風纏素幔生氣滿
青編杖屨遺禪舍交游覓墓田童烏差可慰早
與子雲玄

施總戎雲石防訊海上二首

鼓角春連海旌旗曉度關氣全吞五島聲已震
三山霧捲高牙迥月明夜帳閒龍吟如可寫併

入凱歌還

其二

每近青油幕，頻看白羽揮。
書生寧料敵，大將獨揚威。
乍送霓旌遠，還傳露布飛。
應歌都護曲，置酒解征衣。

送吳少叅生白棒 萬壽表 上二首

行部旌旄遠，趨朝劍履長。
使臣金鏡錄，聖主紫宸觴。
仙仗臨丹極，瑤函近御床。
漢廷誰得似，題柱舊田郎。

其二

萬里京華路回頭十五秋空思垂柳陌不記散
花樓爲送朝天客翻深壑闕愁太平公等事吾
計自滄洲

清明日寓哀

悉死留人世傷心向暮春易枯常淚眼難起漸
羸身禁火村烟冷飛花墓樹新愁腸渾斷絕啼
鳥不須頻

送方廣文

代兒驂作

欲識征帆遠傳經向五谿江流寒雨白楚樹斷
雲低梅嶺書難寄桃源路易迷三鱸吾欲獻無
奈別關西

雪中作

平野風威動空庭落葉加寒雲初擁樹暮雨怨
成花抱戚居窮谷端憂念歲華踟躕愁引睇前
浦更低鴉

歲暮積雨寓感

已嘆窮冬候還悲積雨天岩巒長自隱烟樹共

相連暝色迷樵徑寒聲咽澗泉憑誰慰孤寂對
此惜流年

雨夜

頭白書空客蕭疎思不勝傷心連夜雨照淚一
殘燈漸老驚年去端憂得病增空齋時面壁不
是學胡僧

春晴

試筆之作

淑氣回春早晴光入望同新年人語樂暖律物
華融池影平搖綠林花欲笑紅浮雲在何處萬

里一時空

送伯容七丈之任建陽廣文二首

送子傳經去闕中我舊遊棧高宜下馬灘急且
停舟官舍鶯聲早講堂樹色幽武夷春更好日
日想登樓

其二

揮淚今何處千山雪正寒非關風景惡其奈別
離難舊業荒三徑貧家寄一官音書如可達相
慰只加餐

卽事

雨後溪流潤
風前野色賒
獨行過村塢
暫憩卽田家
稻色迎雲秀
藤陰帶日斜
爲農吾所好
岐路向來差

重過妙真宮與靜軒道士話舊賦二首

舊識松門古
重遊竹迳深
林聲生爽籟
簷影落疎陰
劍井波還細
丹爐氣久沉
尋仙空有約
已失向來心

其二

西日在道... 卷之二
解榻還今夕下帷憶往年青燈渾似夢白髮欲
逃玄屈指交游散驚心歲月遷看君顏未改羽
化定多緣

輓龍川袁太翁三首

鄉國論耆舊衣冠得隱淪滿門惟孝友高臥謝
風塵逕有蓬蒿長庭餘鳥雀鬪老成今不見嘆
息欲沾巾

其二

杖屨間郊適杯盤勝侶隨江山留故事花鳥入

新詩道古先民近行敦薄俗移風流吾所羨寂
寞有餘悲

其三

逝水藏舟夜乘雲赴獄年沉冥鴻羽失零落鳳
毛先錦里寒秋日高門慘莫烟祇應耆舊傳長
識鹿門賢

長君孝廉先逝

甲寅至日

候氣陽初轉迎長景似催雲門調竹管緹室動
葭灰悲喜驚時序行藏付酒杯欲觀雲物變須

上最高臺

甲寅至日對酒重述

豈謂餘生在逢辰得舉觴三年悲逝水七日悟
微陽地底雷初動天邊景正長可憐梅柳色滿
目爲誰芳

送別周景濂

又作經年別堪憐此度過黃花秋後少白髮病
來多榻冷山房月舟輕渡口波一尊岐路酒不
醉欲如何

山行

明滅川原色渾疑盡裏看遠烟從鳥破高樹入
雲寒荏苒年華莫蹉跎世路難山行吾所愛隨
意得盤桓

歲莫山居四首

客有幽居者村寒獨掩門三食長苦飽一褐自
知溫薄劣慙先訓栖遲負主恩平生心萬里
歲莫向誰論

其二

西岳集卷之五
久識生如寄，偏驚歲欲歸。
老將詩力退，病得宦情微。
雨閣寒侵榻，苔墻濕染衣。
一杯須強進，莫問去年非。

其三

時清殊可戀，事異亦堪憐。
岩穴才長棄，江湖歲易捐。
自驚雙鬢改，誰識寸心懸。
多少浮雲色，應開萬里天。

其四

一別都門路，飄零已二毛。
爲儒終少遇，作吏亦

徒勞薄祿何須戀浮名信可逃相逢多勸駕其
意在林臯

甲寅除夕

不厭追遊少偏憐兒女歡里居甘寂寞家宴喜
團圍車馬情何薄詩書道自安小堂燈火夕未
覺雨聲寒

春日山樓雨望

爲送春山目登樓不厭頻烟凝青半隱雨散翠
還新林暝迷歸鳥路寒少去人凭欄心自遠疑

與輞川鄰

連雨

斷續山頭雨新年未放晴
開牕疑曙色欹枕送
春聲和霧沾梅濕隨風入竹清
一尊憐獨聽何似客中情

寓懷

天時兼物態耿耿寸心違
雨寒侵病骨風冷射
春衣歲月江村急音書上國稀
閑愁無着處盡日掩荆扉

春日訪友人夜歸二首

訪戴情何極居然雪下行
藍輿隨夜火烟樹入
寒更衣薄貧能慣途危老不驚
荆扉敲月罷能婦
子笑相迎

其二

十里青山路歸與與渺然野橋平
細浪遠樹帶
浮煙犬吠狐村外人歸落月前
寒衾仍擁鼻渾
似酒壚眠

喜晴

晨興閒獨立春望信悠哉地自千山迴天還萬
里開薰風來巷陌晴色滿樓臺莫訝鶯花早端
知淑氣催

莫行

落日長吟處蒼茫意自悲山迴籠薄霧溪轉急
寒颼問逕逢人少穿林共鳥遲村村茅屋掩游
子莫何之

夜次羅家渡買舟遂抵樵屯紀事

莫行投古戍問度得輕舸夜火遙明岬新流試

著篙殘星寒鷺集落月曉鷄號浩蕩江湖與平
生信所遭

訪魏澹溟吏部山居未值全乃郎宴坐偶
成二首

忽有尋山興長懷看竹期到鷺鴻翮遠坐識鳳
毛奇下榻情非淺停輶意自遲登臨無限好處
處輞川詩

其二

塔勢疑翔鷲隄形似偃虹雲山霄漢表樓閣畫

圖中高臥紅塵隔微行綠樹通客情渾欲醉回
首失西東

夜宿民家與主人語頗狎有賦

杖止向何門前山雨色昏逢人成下榻慰我且
停軒對酌春醪美開襟夜語溫始知淳古意難
與市朝論

偶書

我愛賈夫子憂時獨枕章千言縣日月隻字挾
精道在世非喪時清國豈狂桃燈搔短髮讀

罷意差強

病目獨坐聞雨雪偶成

目病春還數山樓已怯登
掩關彭澤令面壁少林
僧簷近雨聲急牕虛雪
色凌溪山畫圖裏何
日興堪乘

徐匡岳先生招會道中先此奉寄二首

問道本心期百年恨已遲
絳帷空自阻玄草更
誰窺日細花堦靜風清
竹逕披好春知不負載
酒許相隨

其二

投刺慙驚座，樞衣久望廬。
尊前期閱字，帳底忽懸書。
縱倒中郎屣，漫勤長者車。
春風方滿榻，此意肯躊躇。

春月

春夜看新月，清輝到畫屏。
穿林縈宿霧，泛水帶華星。
影落金杯映，光流綺戶經。
非關照離恨，玉笛正堪聽。

春寒

庭敞日陰陰春寒頗不禁
花垂殘雪駐柳細曉
風深燕座頻添酒胡床
故擁衾非關陽德薄衰
病易相侵

悶

故國類羈栖雲山一室低
荆扉臨野水村路沒
春泥孤坐雨還落聞愁鳥
正啼向來魂斷處目
極帝鄉迷

聞雨枕上作

簷雨夜猶落獨眠夢屢迴
滴深欹枕聽灑急打

隱居詩集卷之三
應來山近難分曉
溪長暗度雷孤蓬
江上客應共此時哀

春日雜感八首

搔首長吟客春來
鬢復殘三年沉草土
萬里望長安
農圃生非薄
烟霞地自寬
于時原計拙
况是路行難

其二

草野卑栖地蓬門獨臥人
鶯花空向暮風雨不知春
艱食嗟吾里倦遊笑此身
十年勞薄宦四

塵得長貧

其三

杖藜行竹逕隱几閉柴門
恐對孤芳寂愁聞百舌喧
山寒斜日澹林黑暮烟繁
多少傷春事開襟仗一尊

其四

寓居山外地物色固饒奇
雨驟箏溪急雲寒出峽遲
巖巒青欲滴竹樹翠長垂
苦憶王摩詰誰傳畫裏詩

其五

春寒愁野望薄日更西斜
雪裏度回雁烟中亂
去鴉雲山堪遁跡村曲且爲家
寂寞心多感園
林更自花

其六

生色青陽滿天心處處同
苑花紅浥露岼柳綠
含風蹤跡漁樵裏江山錦繡中
便當棲臥穩何
事逐征蓬

其七

歲月已蹉跎幽懷奈若何青雲難晚致白髮爲
愁多野逕緣稚竹山房帶女蘿百年長閱寂誰
與和狂歌

其八

一逕成幽獨三春寄寂寥不眠深雨夜閒坐過
花朝書劍辭身久雲泉寄跡遙五陵豪俠窟車
馬正鳴鑣

晚眺

村扉宜晚眺細雨更冥冥野水含沙白山雲帶

樹青鴉飛羣傍屋鷺下獨依汀有興無人會歸
來倒玉瓶

寓感

歲月催人老無方可駐顏眼緣奇字澁髮爲苦
吟斑隱几同南郭杖藜過北山浮生長物役暫
得一春閒

花遲

二月園林樹天寒未着花何香來早蝶無色鬪
朝霞羯鼓聲虛急東皇信豈賒採芳紅粉伴幾

度誤鈿車

閒意

半畝幽棲宅經時自在春
埭鷄啼竟日瓦雀啄
親人老矣終何事蕭然得此身
圖書看插架一室未全貧

野步

山密還通徑田低更接疇
圃間梅日細塘上竹風幽
高步窺雲鳥忘機狎水鷗
臨風春服好歸去且遲留

感事

閭左饑人徧江東米價高物情何落莫生計重
蕭騷有願施香積無心對濁醪不眠看四壁濟
世豈吾曹

陰

睡起天疑白連峯曙未分霧深偏隱日風細不
驚雲一室堪巖遠終年麋鹿羣何當開萬里目
極淨塵氛

曉意

已送殘星落猶餘緇霧重春林飛宿鳥古廟報
晨鐘開戶臨平野登樓望遠峯待看晴旭上萬
疊散芙蓉

安成劉養素過訪山中出喜聞先生遺墨
為贈感而賦此因以遺劉

風雨春偏晚雲山鳥獨飛非君憐桂樹誰見款
柴扉賣藥壺邊肆垂綸石上磯不辭還訪戴此
興咎人稀

其二

舍瑟追遊地春風復幾年守玄吾豈有遺墨爾
能傳浮壁銀鈎動映空玉筯縣恐將數行淚霑
灑濕雲烟

客去

畏客門難杜端居榻暫縣草堂侵遠霧竹徑沒
寒烟仲蔚蓬蒿滿陶潛松菊備今予念幽獨身
世幾時稍

雨

楚天雲不散春館雨長縣暝色青林外寒聲白

病起

偶示維摩病高眠夢蝶床春深寒復戀漏靜雨
仍長短髮非新白衰顏已舊蒼一杯朝強進身
在且須狂

寒食用杜韻

風雨深寒食山空花自飛宿雲猶美色初日乍
生暉伏枕孤村僻鳴珂上國違園林堪載酒乘
興遂忘歸

復雨

西昌雜錄卷之十一
喜晴身忽健聽雨意仍哀山色樓中改泉聲澗
底回經行愁躡屐獨臥廢銜杯萬慮滂沱外荆
扉莫浪開

塲塚

土名團軍岡

雙淚忽滂沱遲回對古坡野光昏宿霧塚色暗
春涉白日川原晚黃泉骨肉多衰魂招易散此
地少經過

瑞邸婚禮愆期閣部疏請俱不報有作
朱邸聞開早銀河想渡難赴期空有鵲傳信豈

無鸞花萼春將晚
蓬萊夜獨寒
簫聲應未歇
長隔彩雲端

將赴部偶成

持節暴公子弹冠
貢大夫聲華非俗吏
經術本名儒
老驥關山遠
寒鵬霄漢孤
國恩思欲報
敢自憺征途

舟中

漁歌何處聽
暝色滿前汀
星月含沙白
烟雲籠樹青
扁舟隨听遠
柔櫓向洲停
落盡江邊月
醉

眠人未醒

舟過漁州精舍爲吳印讀書處賦

路繞烟波外人行蒼靄中風高天宇淨月上水
雲空小艇桃源近高齋竹逕通少年攻苦意燈
火夜深紅

望雨

龍歸何處洞虹度半山岑以日長流暑密雲空
復陰老農俱疾首孤客更秋心吟好散千峯雨爲
寬萬室心

漫興

結交游俠窟調笑酒家壚
高興向來盡壯心
今已孤風高葉自落
天迴雁爭呼
頭白清秋裏
那堪仗轆轤

陳氏荷華山房詩稿卷之十二終

陳氏荷華山房詩稿卷之十三

高安陳邦瞻德遠著

五言律詩一百二十五首

農情

喜雨歡初動，愁霖恨復生。
農情隨日變，天意定誰明。
水浸荆扉色，風連野碓聲。
高樓散烟霧，已覺莫山橫。

病足偶題

足病淹高臥，經旬苦未安。
乘桴浮海易，躡履下

床難明惱鬢毛改暗催骨髓乾居然少陵叟桃
杖倚相看

六月晦日

山深暮景幽暑氣正初收螢亂知草腐蟬鳴覺
樹秋中年工作惡晦日復添愁孤影青燈外無
端涕泗流

感懷二首

殘暑留連日空山寂寞時聲名嗟已晚歲月苦
多違歸燕語風檻寒蟬咽露枝浮生難得意可

鬢髮如絲

其二

老大成何事蹉跎負此心
浮雲隨俗變濁酒向
愁深風送高城笛月
連萬戶砧平生搖落恨都
付白頭吟

夜熱候風不至口占

候雨農情極招風客意傷
一秋常苦熱五夜不
知涼無復披襟快非關束帶狂
茂陵消渴久仙
掌露蒼茫

雨不成

帶日雲仍薄含風雨漸微
荆扉露未濕竹逕灑
全稀水近蜻蜓集沙明白鳥飛
楚天長在眼神
女莫何歸

哭友人鄧時寧墓夜宿民舍

掛劍心粗了回船與不留
可憐故人盡轉愴此
生浮野逕嵐光黑田家樹色稠
青燈寒四壁還
照淚雙流

連日草鄧刺史時寧王明府宗盛二誌畢

書感有賦

刺史幡初隱郎官鳥久懸
聲華光壁合文字愧
珠聯笑語重泉隔風流片石傳
屋梁今夜月魂斷更悽然

伯容先生訃聞感悼四首

臥病逢搖落那堪更哭君
一朝成異世千里痛離羣
絕學劉中壘交情鄭廣文
同心難再得酒淚濕秋雲

其二

欲問傷心處難忘就館年寒牕吹夜火暗壁理
陳編遇合青雲隔蹉跎白髮偏桑榆存晚計逝
水不停川

其三

聞說傳經日高齋與出羣開尊邀落景听嘖對
春雲字富輜軒草書授魯壁文藏山應不負長
傍武夷君

其四

江霧連天暗海雲帶瘴饒孤兒扶櫬泣十口望

家遙小隱官爲累平生恨未銷旅魂認鄉樹不
用楚詞招

別先墓北上

一壘松楸色愁爲游子吟遠行迷去住薄宦恨
浮沉此際辭鄉淚他年上塚心連峯回首處猿
鳥盡悲音

曉發筠城小憩長溪民舍

鼓角鷄聲後關河雁影前官亭分野色村舍起
朝烟草樹迷花塢溪流蘸芋田故鄉美風物倍

覺客心懸

安義晚宿

問俗鄉音異催程山路賒幾村蠻聚落三戶楚
人家莫角關心切孤燈照影斜未須憐寂寞庭
樹有栖鴉

發建昌

客路楚天西秋清望轉迷野橋時斷絕石磴強
攀躋縣郭河流細人家樹色齊漫愁前路黑騎
馬及鷄栖

德安曉發值雨

鳴鐘來客枕鄉夢共更闌孤館青燈暗山城細
雨寒彩雲收萬丈綠霧擁千盤真得廬山路猶
疑畫裏看

渡江

一葉渡潯陽中流望大荒風濤驚九派雲樹杳
千行水拍吳天遠山連楚岫長浮生殊旅雁避
雪正南翔

促織

促織哀音慣宵啼動及晨本緣驚懶婦何事惱
離人在戶已蕭瑟近床更苦辛月明今夜夢無
復見情親

途中雜興四首

秋高霜未落氣色少淒涼客路愁何在農家意
不忘雜花籬落映晚稻水田香沽酒聞樵唱悠
然憶故莊

其二

過江荒野大入楚亂山多水際眠鳧鴨風前陣

鷓鴣人家圍竹樹客舍近雲蘿處處山陰路無
勞夜棹過

其三

最愛連峯好經過盡日迷稍穿青嶂北却過碧
岑西雲外看人度天邊聽鳥啼長懷逢石髓不
復苦攀躋

其四

頭上雲來黑林間日歛紅驟驚雷送雨更聽鳥
號風一洗秋容出全收瘴癘空晚涼蘇肺氣此

去任飄蓬

太湖公署夜坐

秋風來遠道，細雨臥孤城。
高誼無孫宰，窮途有阮生。
疎鐘兼漏急，短燭向人明。
欲作還鄉夢，鳴鷄促曉程。

望皖山作

偶來舒子國，遙望皖公臺。
秀氣浮金碧，靈風生草萊。
早知丹籙秘，尚想翠華回。
立馬迷南北，還如七聖哀。

苦吟

自笑苦吟客愁來興愈豪句隨年共老氣與秋
爭高貧病身如寄關河路未勞總緣耽格律萬
事一鴻毛

漫興二首

秋晚樹猶綠天寒山更清關河來雁影鼓角入
霜聲落葉催行色殘陽伴客程登臨休作賦早
覺壯心驚

其二

廬嶽兼瀉嶽淮西接楚西關山千里迥雲木萬
峯齊細雨滋松徑流泉溢稻畦故園風物似盡
日意都迷

陶城

烟火千家聚帆檣兩岼溪魚鹽通楚蜀市井列
東西高柳殘陽落寒簷暮鳥啼郵扉連古剎客
夢寄菩提

野望

馬首中原路茫茫積氣間連雲惟有樹礙日更

無山暝色寒蕪遠長空白鳥還憑軒臨浩蕩似
欲出塵寰

漫興二首

僕馬長岐路頭顱已莫年身羸多病久性僻苦
吟偏杜甫詩求海靈均賦問天幽懷元自吐萬
一得人憐

其二

矯矯空奇氣悠悠屈壯圖長懷賈誼慟不爲阮
公途繫虜長纓在防身短劍孤誰知羸老客膽

氣舊來籠

張橋驛移宿

剝落官墻裏
停輶悵莫寒
繩床何處着
茅店幸能寬
綠蟻心難醉
青燈夜易闌
隔牕兒女語
彷彿話團圓

道逢趙淇竹叅戎別後有懷

慷慨論兵客
登壇正妙年
相逢驚玉樹
惜別吼龍泉
北望蓬萊日
南浮橘柚天
何時看出塞
遲爾勒燕然

中都

海岳鍾靈地乾坤產 聖年 帝圖開草昧天

意洗腥羶萬里黃星見千秋紫氣縣鐘山神馭

返鸞鶴從羣仙

貞女祠

在王庄驛北二十里祠林氏女未嫁死節與王烈女事同

貞女祠前樹霜高葉未凋精靈通草木生氣滿

雲霄白日爐烟冷朱雲玉佩遙啼鳥如有恨早

夜咽寒條

固鎮驛

鎮屬靈壁久無令故有未旬

車馬九衢道人家萬井烟市屢如繡錯樓閣亦
星聯帆影溪橋外角聲野戍前停車因問俗人
憶武城絃

閏月十五夜

萬里中秋月嬋娟喜再看關山光更遠銀漢夜
長寒轉覺團團好重知離別難驛亭杯酒罷清
切倚闌干

曉景

鼓角嚴城動關河去路賒殘星猶掛樹落月欲

灑沙霽露澆行色風塵老歲華高樓愁夢斷此際託天涯

東平

吊古東平道征輶得暫停遺墟留少昊分野見
婁星蘆水一泓碧金螺萬仞青劉生何意氣俠
骨尚餘馨

易水

易水蕭蕭莫寒風急逝波千秋懷壯士一劍動
悲歌往事何須說此心終不磨酒壚燕市滿慷

慨更誰過

雄縣

赤縣金湯壯前朝此北門胡星今已落邊日向
來昏笳鼓三關靜車書一統尊時清饒王氣萬
里接中原

白溝河

秋水長河落斜陽古渡連嘶流萬馬過倒影片
帆懸曠野天長慘先朝事可憐英魂餘血戰千
古泣寒烟

良鄉道中

作客三千里聞鷄戒早征嚴程趨赤縣王氣近
神京塔勢中天出觚稜向日明白頭恩報

主莫動望鄉情

抵京舍真如寺值雨

燕市重遊日禪棲且寄蹤暫期開士語不擬酒
人逢風送巖城柝雨深內院鐘九衢塵欲靜冠
佩得從容

宋清宇水部惠酒詩以謝之

京國逢人少，招提且寓居。
寒燈愁對影，細字喜傳書。
濁酒故人致，鄉心此夜除。
醉來彈短劍，不覺嘆無魚。

紀謁

但可循吾髮，何堪折此腰。
名微甘下乘，心在戀清朝。
東第門元峻，南州榻已遙。
向來湖海氣，顧影覺全消。

寺夜

上國還留滯，幽居正寂寥。
鐘聲殘古寺，燭影暗

寒宵雙鬢百年短
尺書千里遙
愁來惟吊影
月上轉蕭條

都門贈曹心言侍御四首

京國停車日
禪扉下榻年
交情今不淡
世態舊堪捐
與劇親談麈
愁多付酒船
天涯同病少
白首重相憐

其二

豈謂憂時客
還爲獨臥人
簾花空映日
諫草欲生塵
古院晨鐘急
高城暮角頻
穉生龍性在
牢

落未宜馴

其三

短景西山沒浮雲北極高
艱難同此日流落任
吾曹哀動馮生缺寒侵范叔袍
悲歌燕市裏斗
酒向誰豪

其四

黃金何突兀千載向孤臺
人有漢庭慟天非杞
國樞風聲來朔漠雲氣滿蓬萊
拭目都亭路埋
輪見爾才

壽豐邑朱處士其子請之京邸

道在身常貴機忘世可逃閑庭馴鳥雀幽徑長
蓬蒿日爲北牕永星縣南極高獨憐游子意京
國聖雲勞

雪

古院聞鐘後閒庭對雪時光寒搖客劍花細集
禪枝鬢絲還自理尊酒共誰持江梅消息近鄉
樹正堪思

至前獨坐書感二首

北關羈縻日南冠索寞時客心歸去疾除日到
來遲節序驚頻換頭顱久自知登臺望雲物萬
里共淒其

其二

歲宴仍爲客天高一望鄉浮雲隨意遠白日共
愁長彈鋏歌偏苦開尊興尚狂丹心空戀闕白
首隔鵷行

冬日京師地震占云外戚擅權燕國兵起

云

云

但識皇輿固誰憂地軸翻
聖朝無諱諫醫史
有忠言變化鼠爲虎艱危犢
駘轅燕出饒王氣
塵土未應昏

穩臥

平生甘濩落白首困栖遲
身世窮誰傍功名老
自疑賦詩聊一哂問卜
得頻欺穩臥真吾事悲
風吼薄帷

至日再賦

七日陽來復五更漏已稀
京華開曙色雲物吐

清輝仙仗傳呼近彤廷拜舞違將心同寸管猶
得逐灰飛

出都

此去主恩新都亭淨曉塵寒鴉偏就日凍柳
欲會春北關關心切西山入望親白頭思報國
未厭往還頻

彭城道中

又出徐關路寒風正沈濛宿雲辭樹杪殘雪在
山腰逕石行相逼村烟墜獨遙往來雙鬢禿無

補愧清朝

黃梅道中

蕭颯楚山路歸來幾度經
霜殘蘆峴白日出麥田
青樹色鄉關近春風客
夢醒潯陽今夜月獨
宿醉江亭

渡江中流忽憶杜詩寒江流甚細有意待人歸之句因述此律

江細遲歸楫中流自在行
鴨頭春水活鴉背夕陽
明古峴孤帆影滄浪萬
古情漁歌何處聽曲

西華在國山房詩集
卷之六十三
十三
盡浦烟橫

石耳

山密疑無路雲開忽有亭
金光隨地赤石耳入
天青草木生春色江湖遠
客星舉頭霄漢上萬
里羨鴻冥

大果寺

古剎臨江近征軒向郭遲
入門僧磬寂過院佛
香隨勝地金還布空堂
錫未移徘徊憐莫鳥相
伴宿禪枝

太平驛道中

不謂王程迫其如楚路重繚雲多曲逕礙日有
層峯野屋依茅崦危橋斷石淙莫天歸鳥外游
子悵何從

鄆城次壁間韻

好鳥爭鳴路飛花故舞城客行聊一笑春色似
相迎烟樹千行直關河四望平况逢新雨過麥
壠盡春聲

河北道中

極目長河北蒼然一氣昏春陰連大陸落日俯
中原花滿桑間路鴉啼柳外村幾年空杼軸問
俗欲銷魂

牧野

驅車行牧野回首痛朝歌亡國會漂杵興王管
授戈夕陽啼野鳥芳草臥銅駝池酒花猶醉春
來紅更多

五祖山

古寺通幽逕危巒吐宿烟法經傳鉢後人憶續

燈前欲結三生紫還叅五祖禪
楚天秋夜月長共鏡臺縣

苦旱望雨禱祠未應

靈雨到何遲千家盡望霓
焚香傾里社伐鼓遍叢祠
煙霧青春杳風靈白日悲
天高誰可問蒿目淚空垂

比干廟

墓門還下馬懷古思悠哉
白日寒遺廟丹心照夜臺
樹陰栖鳥靜野色逐人來
寂寞空山裏長

留過客哀

夏涼

長夏渾無事官居養道情
雨叢花未歇風檻鳥爭鳴
未覺林泉遠還憐枕席清
羲皇如可夢吾欲臥前楹

客思

辭家常記日作客又經秋
妻子非吾慕田園不自謀
飄零雙鬢短遲莫一身浮
今夜深閨月遙思獨上樓

立秋日偶占

偶爲河朔客歛對鄴城秋黃雲將葉落碧漢帶
星流却憶西園夕誰知明月愁思縹無限意何
處好登樓

鹿鶴二首

鹿豈階除物深山好養茸幾年失仙隱終日傍
塵蹤庭草秋隨盡野草春自供啣啣聲可聽風
過響高松

其二

白鶴來何歲，卑棲且至今。婆娑還短舞，嘹唳亦長吟。本是青雲質，能忘碧漢心。徘徊羊叔子，爲爾一霑襟。

扶菊

有美黃金萼，條條照座隅。凌霜知有素，移植頗嫌孤。會竦踈莖立，仍須細杖扶。東籬愁不見，對此足爲娛。

對菊

霜露滿人衣，霜葩仍未稀。芳馨吹曉氣，漱澀點

斜暉對此忘桃李餐之勝蕨薇歲寒堪爾伴何
事苦思歸

鳥巢

黃葉落高樹疎柯出鳥巢經時愁暴露人夜有
啁啾凍雨頻沾翼淒颼轉集梢吾廬原在野因
爾念于茅

初冬夜坐賦

高城寒罷角古剎夜鳴鐘金鏡淪圓魄玉衡指
孟冬遠天回首暗零露人愁濃欲作江南夢雲

峯更幾重

讀邸報作

天上雙朱邸相依日月邊
桐圭元並剪花萼更
聯翻正啟銀河路翻虞王府
錢桃夭思化美宜
詠二南篇

槐花村有蘭陵公主墓

公主埋香骨槐花尚古村
草殘狐塚色月掛故
池痕誰識秦樓曲難招楚峽
魂鴉啼似金井斷
送幾黃昏

荅人問宦况

欲問爲官况愛聞兼喜貧
抄書煩小吏送米謝
僮人未厭青袍舊從教
白髮新雖無校勅意終
不負松筠

晚衙

庭空散晚衙
暝色帶歸鴉
息影還依樹
懷人欲折麻
陶潛思栗里
賈誼困長沙
寂寞寒城閉
霜風急鼓笳

賦得綿綿思遠道

高臺望不極客思渺難窮鳥沒長空外帆飛別
浦中莫雲天遠近春草路西東欲作相思夢清
宵恐易終

莫雪

冬城初見雪寒色淨黃昏庭覺篩篁影野知潤
麥根獸紅方擁炭蟻綠正開尊寂寂江村路梅
花合斷魂

雪後夜坐對月

碧瓦光猶映高樓雪未殘清宵天似水廣塞月

同寒桂魄一千里瑤華十二欄有人騎白鳳笙
吹下雲端

復雪

曙色驚牕早開扉雪滿墀空堵成玉砌古樹盡
瓊枝喜爲豐年重寒從病骨支高齋逢再賞把
酒覺歡追

途次卽事

久作風塵客難爲汗漫遊青雲今已負白髮向
來稠寂寂古人笑栖栖高士羞漢庭薪更積無

計慰遲留

岳忠武故里二首

金碧標嚴寢風雲護古垣
蒸嘗瞻故里板蕩憶
中原痛挾吳門目悲遊
屈子魂千秋長洒淚遺
恨在乾坤

其二

一劍從南渡三軍更北征
雄風生鐵馬寒日照
寃旌河朔爭櫓甲燕然未勒銘
遺祠獻牛酒猶是犒師情

元夕月蝕

今夜千門月清輝正自多胡爲淪玉魄不肯灑
金波陌上愁車馬華筵暗綺羅中宵仍皓彩燈
下有行歌

同趙憲伯五視登銅雀臺別後有賦因以
寄贈

客有登高與層臺四望遙山河還日莫宮殿已
烟消逝水迷沙渚啼鳥隱碧條尊前堪一笑休
更憶前朝

其二

同爲河朔客曾是籍雲郎
細酌高臺酒還思盡
省香縹袍君不薄白髮我難狂
回首漳河月愁吟夜未央

連日懷衛道中風塵甚苦民間生事蕭然
感而有作

撲面風塵色頗年
染容衣侵尋心欲折
留滯寧俱非
客病偏多渴人憂正苦饑
烏啼何處急故
故繞斜暉

寧郭卽事

候館淹晨莫驅馳自笑頰蒼顏慙小吏火色謝
時人槐古陰成幄草深細作茵醉眠隨處好不
必薄風塵

道中聖太行山四首

一帶噴吭色迎人眼忽明連空無鳥度薄曠有
煙橫保障高三晉仙都通五城翛然孤興徃長
嘯不勝情

其二

陳氏存華山房詩集 卷之十三 三十三
久遊河朔國初近太行隈碧玉簪天吐蓮花插
地開笙璈空外過鸞鶴夢中來自笑淹塵土仙
人安在哉

其三

風塵長物役驅馬未言勞土到覃懷沃山從上
黨高壯遊非此日玩世本吾曹終欲乘風去雲
霄縱羽毛

其四

秀色連娟至貪看興轉幽夢魂疑舊識圖畫不

曾收金碧三千界雲霞十二樓愚公知己矣突
兀爲吾留

雨後孟縣道中

花裏河陽縣輶車此日過寒帷堪氣色問俗有
絃歌新雨青苗足夏雲碧樹多安仁千載意短
髮共蹉跎

午節前日發武陟作

帶郭河流縵綠郊樹色重風輕隨去憶霧散出
遙峯艾節仍爲客麥秋稍慰農非關風土惡惆

帳為塵蹤

望家書不至

遠客多愁思天涯音信賒幾行河上雁千里夢
中家芳草年年歇浮雲處處遮西風如有意端
為送瑤華

七夕

時寓共城暑氣酷甚

客心常苦熱秋氣未生涼又覩雙星合其如獨
夜長關山還自杳河漢豈相望千里高樓思無
由問七襄

行役共城雜感八首

誰謂風塵客能爲汗漫遊
山城頻總轡野水故
停舟興逸疑飛鳥心閒欲狎鷗
已堪忘去住那復問淹留

其二

河朔驅馳日勞歌不可聽
髮從岐路白眼爲太行
青陵谷非難變關山亦飽經
濁醪宜痛飲誰忍獨言醒

其三

正覺炎光熾俄驚大火流梁臺堪作賦楚客漫
悲秋露冷山中日月明江上樓南飛鳥鵲遠歸
夢獨悠悠

其四

昔人長嘯處萬古只青岑不改雲霞氣如聞鸞
鶴音埋名應有道避世豈無心嵇阮還多事聯
翩向竹林

其五

乾坤終不老山水况多奇有客著皇極何人見

伏羲寂寥觀易處
閔遐美丸時此意憑誰解
長吟擊壤詩

其六

日靜時啼鳥風高故咽蟬
客心終未寂秋意已蕭然
鄉國愁眉外雲山短髮前
沉思論往管何事不堪憐

其七

聞道河南北螟飛日少開
三農常閔雨幾月不驚雷
赤地嗟何數蒼生亦可哀
欲陳災異對殊

愧廣川才

其八

垂老功名薄，浮生憂病多。
青燈知影瘦，濁酒得顏酡。
身世隨蓬轉，年華逐鳥過。
無心貪紱冕，生計在烟蘿。

蘧大夫故里

河山今古暮，人物市朝更。
猶說前賢里，空悲異代情。
荒烟終不散，野草自長生。
車馬粼粼夜，如聞關下情。

莫雨

殘暑今如掃西風轉作狂
屯雲看古樹莫雨對空床
抱病瘳難料悲秋恨更長
荒城爲客日何事不淒涼

秋日鄴城公署後院榴槿依然感而有賦
高齋坐掩門短景又黃昏
垂隱原依草蠲行故上垣
榴花秋尚發槿萼莫還存
有意如娛客相看盡此尊

韓魏公畫錦堂

晉人題勝處畫錦尚如新一代風雲會三朝社稷臣奇功收定策遺像儼垂紳更想歸來日機忘白鳥親

堂後有狎鷗忘機二亭

秋色

秋色飄零甚客愁殊未央雲山連趙魏風雨暗衡漳落葉空庭積寒花何處香思歸日回首白雁更南翔

秋日再有覃懷之役初宿安陽署中賦
斜日帶寒烟秋風莫颯然往來慙物役衰謝憺

流年野戍霜生角孤城月上弦中宵便伏枕夢
斷豹祠邊

覃懷公署對雨三首

前日望霓意今成苦雨心貧憐一飯飽老惜二
毛侵樹色連雲暗簷聲入夜深都將留滯嘆分
付短長吟

其二

蕭蕭來莫雨漠漠對寒雲盡角高城動疎鐘古
廟聞苦吟如有負細酌未成醺仰羨歸飛翼林

昏不失羣

其三

淪沒青衫舊蕭條白髮垂客愁渾似織緝雨復
如絲飽食官何補長眠病不支愁聞前路滑驅
馬復逶迤

秋莫

老至兼多病秋殘獨有悲乾坤難洗眼昏晝強
支頤浙浙寒風動淒淒暮雨遲高林葉盡落宿
鳥欲何依

所親

薄宦在風塵天涯念所親
病侵猶作客老至不
謀身歲月霜生髮
雲山淚滿巾寄書傷字
細腸斷未歸人

陳氏荷華山房詩稿卷之十三終